



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material



~~182~~

Wiederholte
N 138

1805 AU 3 5

Handwritten notes at the bottom of the page, including the number "138" and some illegible text.

26 .04. 2013

Изъ листновъ Общества русскихъ врачей въ
память Н. И. Пирогова

II Изданіе Коммиссіи Имп. Кавк. Мед. Об-ва по рас-
пространенію гигиеническихъ свѣденій въ народѣ

- 616.9
r-61
1. **ԻՆՊՊԻՍ ՂՈՅՑՊԱՆՈՒՄԷԼ ԺԱՂԻԿ ՀԻՆՆԵՐՈՒԹՅՈՒՆՑՑ**
 2. **Ք Ո Ի Թ Է Հ**
 3. **Ս Ի Ք Ի Լ Ի Ս**
 4. **ԻՆՊՊԻՍ ԿԵՐԱԿՐԵԼ ԺՃԿԵՐ ՄԱՆԿԱՆ**



II. S y a q r o e l e s

Թարգմանութիւն և խմբագրութիւն Մշտական Յանձնա-
տոլովի, որ առողջապահական ժողովրդական գրուածք-
ներ հրատարակելու համար ամեն տարի ընտրուած է
ԿԱՅՍԵՐԱԿՍՆ Կովկասեան Բժշկական Ընկերութիւնից:

34

ՄԵԼԱՆԻՍ ԿՈՄԻՏԵ ԱՐԿԻՏԵԿՆԻԿԱՅԻ ՆԱԽԱՐԱՐՆԵՐԻ ԿՈՄԻՏԵ
ՄԵԼԱՆԻՍ ԿՈՄԻՏԵ ԱՐԿԻՏԵԿՆԻԿԱՅԻ ՆԱԽԱՐԱՐՆԵՐԻ ԿՈՄԻՏԵ

6913

II Издание Коммиссии Имп. Кавк. Мед. Об-ва по рас-
пространению типичнейших сведений в народѣ



1. ԿՐԻՍՏՈՍ ԿՐԻՍՏՈՍ ԿՐԻՍՏՈՍ ԿՐԻՍՏՈՍ
2. ԿՐԻՍՏՈՍ ԿՐԻՍՏՈՍ ԿՐԻՍՏՈՍ ԿՐԻՍՏՈՍ
3. ԿՐԻՍՏՈՍ ԿՐԻՍՏՈՍ ԿՐԻՍՏՈՍ ԿՐԻՍՏՈՍ
4. ԿՐԻՍՏՈՍ ԿՐԻՍՏՈՍ ԿՐԻՍՏՈՍ ԿՐԻՍՏՈՍ

Дозволено цензурою, Тифлисъ, 5-го Декабря 1902 г.



ԿՐԻՍՏՈՍ ԿՐԻՍՏՈՍ ԿՐԻՍՏՈՍ ԿՐԻՍՏՈՍ ԿՐԻՍՏՈՍ
ԿՐԻՍՏՈՍ ԿՐԻՍՏՈՍ ԿՐԻՍՏՈՍ ԿՐԻՍՏՈՍ ԿՐԻՍՏՈՍ
ԿՐԻՍՏՈՍ ԿՐԻՍՏՈՍ ԿՐԻՍՏՈՍ ԿՐԻՍՏՈՍ ԿՐԻՍՏՈՍ

ՏԻՓԼԻՍ

Тифлисъ Т. М. Потанина, Тел. № 11.
1902

1. ԻՆՉՊԵՍ ՊԱՇՏՊԱՆՈՒԹԻՒՆԻ ԾԱՂԻԿ ՀԻՒԱՆԴՈՒԹԻՒՆԻՑ

Փոխադր. բժշկապ. Ա. Բաքայլանի

Հին ժամանակներում ծաղիկը շատ տարածուած հիւանդութիւն էր, շատ էլ ժողովուրդ էր կոտորում ու այլանդակում: Դեռ սրանից մի դար առաջ 15 հոգուց մէկը հազիւ թէ անվտանգ ազատուէր ծաղիկից: Որտեղ տասը հոգի ծաղիկից բռնուէին, դրանցից մի երեքը մահի ճարակ կրկնէին, մնացածներից որը կուրանում էր, որը խնանում էր և հազիւ թէ մէկը չեջրտ չըմնար: Եւ մարդիկ չէին իմանում ինչպէս պաշտպանուեն այդ սարսափելի ցաւից, մինչև որ մի անգլիացի բժիշկ — սրա անունն էր *Ջէններ* — անցեալ դարում վերջապէս հնար դառաւ այս ցաւի դէմ:

Վաղուց յայանի է թէ՛ ծաղկացաւը միայն մարդկանց չէ բռնում, այլ երևում է և տաւարի վրայ — ձիաների, ոչխարների ու կովերի վրայ: Ձիան, ոտքերի վրայ է դուրս տալիս ծաղիկը, ոչխարի բոլոր մարմնի վրայ, իսկ կովերի միայն ծծերի կամ պտուկների վրայ: Վաղուց էլ նկատուած էր, որ երբ գեղջկուհին կլծում էր ծաղկով բռնուած կովը, կլծողի մատների վրայ դուրս էին գալիս իսկ այն տեսակի ծաղիկի բզրակները, որոնք ինչպէս էլ կոչվի ծծերի վրայ: Իսկ այդ գեղջկուհիները —

արմատը երբէք ծանր հիւանդութիւն չէր քաշում, այլ թեթև ու անվտանգ:

Դօկտօր Ջէննէրը անգլիական մի գիւղի բժիշկ էր: Ապրելով գիւղացւոց հետ, նա ականատես էր ժողովրդի տանջանքներին ծաղկի երեսից. ուստի մտածում էր միշտ՝ մի կերպով այդ սարսափելի շաբիբի առաջն առնել: Որն համար ամեն տեսակ տեղեկութիւններ հաւաքում էր. նոյն իսկ գիւղացիներին հարց ու փորձ անելով: Այս տեղեկութիւններից նա իմացաւ հետևեալը: Երբ կով կթող կնկայ մատներին գնւրս տայ հիւանդ կովից՝ փոխուած ծաղիկը, այլ ևս այդ կինարմատին չի գիպչիլ՝ մարդկային վտանգաւոր ծաղիկը, թէկուզ նրա բոլոր գերդաստանը վարակուած լինի իսկական և ծանր ծաղկով: Այս բանը Ջէննէրը վճռեց փորձով հաստատել 1796 թուի մայիսի 14-ին: Մի գիւղացու ութը տարեկան տղայի (Ֆիլիս անունով) թեքի կաշու վրայ Ջէննէրը նշտարով երկու բարակ և փոքրիկ ճեղք արեց և նրանց վրայ քսեց մի — մի կաթիլ այն թարախից, որ առած էր կովածագիով վարակուած մի կովապահ կինարմատի բշտիկներից: Ամեն բան այնպէս եղաւ, ինչպէս որ սպասում էր Ջէննէրը. տղայի թեքին մի քանի օրից յետոյ դուրս տուին կովի ծաղկի նման բշտիկներ. այս միջոցին նա ունեցաւ թեթև տարութիւն, մի քանի օր էլ անցած՝ բշտիկները քիչ-քիչ շորացան, տղան բոլորովին առողջացաւ. բայց մնաց դեռ իմանալու ամենագլխաւորը, թէ տղան արդեօք ազատուած

էր իսկական ծաղկի վարակումից: Այս հարցը վճռելու համար Ջէննէրը գործ դրեց մի սարսափելի փորձ: Այն է՝ վերցրեց նշտարով իսկական մարդկային վտանգաւոր ծաղկի հիւթը պատուաստեց նոյն տղային՝ մի երկու ամիս շանցած առաջի փորձից յետոյ: Սպասելով թէ մի գուցէ խեղճ տղային բռնէ իւր ձեռքով տուած վտանգաւոր ծաղկի թոյնը — Ջէննէրը երեք հոգեմաշ և անսանկի օր ու գիշեր անցուց... բայց փառք Աստուծու, տղան բոլորովին անվնաս մնաց և ոչ մի հիւանդութիւն չունեցաւ այս սոսկալի փորձից, որովհետև առաջի փորձով իսկական ծաղկի վարակումից նա ազատուած էր:

Այսպէս կատարուեց գիտութեան ամենաբարեբար գիտերից մէկը, թէև նա մեծ տանջանքներ պատճառեց գիտն անողին...

Այնուհետև Ջէննէրը հետևեալ կերպ մտածեց: Կովի ծաղկով վարակուած մարդը երբէք չի վնասուում, բայց միևնոյն ժամանակ զրանով նա ազատում է աւելի վտանգաւոր և սարսափելի մարդկային ծաղկից: Ուրեմն՝ լաւ չի լինիլ, որ բոլոր մանուկներին պատուաստենք կովի ծաղիկը, որ բոլորն էլ ազատուեն իսկական ծաղկի շարիբից: Մտածեց և կատարեց, երբ մի անգամ Ջէննէրի ապրած գիւղում ծաղիկը նորից սկսեց սաստկանալ և կոտորել ժողովրդին: Նա հաւարեց կովի ծաղկի բըշտիկներից բաւականին նիւթ (աւիշ) և պատուաստեց բոլոր առողջ մանուկներին: Այսինքն՝ ինչպէս

առաջի փորձում, առողջ երեխայի թեի կաշին քեր-
 ծում էր նշտարով կամ փոքր ինչ ճեղքում և վրան
 քսում էր կովի ծաղկի հիւթը. մի քանի օրից յե-
 տոյ՝ բոլոր երեխաների թեերի վրայ դուրս եկան
 խոկ և խոկ կովի ծաղկի նման բշտիկներ, մի եր-
 կու շաբաթից էլ բշտիկները փչկուեցին՝ չորացան:
 Այժմ արի՛ ու տես, որ այդ երեխաներից ոչ մե-
 կին դարձեալ չընենց այն ժամանակի զիւղում տա-
 րածուած իսկա՛րան ծաղիկը...

Ջէննէրի ուրախութեանը էլ չափ չըկար, որ
 վերջապէս դոնուեցաւ հնար պաշտպանել ամբողջ
 ժողովուրդը ծաղկի աւերումներից:

Նա գրեց այդ մասին Անգլիայի ու օտարերկ-
 րեայ ուրիշ բժիշկներին: Մրանք էլ ամեն տեղ
 սկսեցին հոյն փորձերը կատարել և դուրս էլ դա-
 լի ամեն տեղ միևնոյն բանը. ու՛մ որ պատուա-
 տում էին կովի ծաղիկը, ինչպէս Ջէննէրը սովո-
 րացրել էր, նրան այլևս իսկական ծաղիկը չէր
 զիւղում:

Այժմ եւրոպական պետութիւններում հաղիւ կը
 պատահի երեխայ, որ վաղօրօք կովի կամ հորթի
 ծաղիկով պատուաստուած չըլինի և այդ պատճառով
 իսկական ծաղկից մեռնողները թիւը այդ տեղե-
 րում շատ քչացել է:

Գերմանիայում 24 տարի որանից առաջ օրէնք
 հրատարակուեց որով բոլոր ծնողները պարտաւո-
 ըուեցան իւրաքանչիւր մանկան պատուաստել ծա-
 ղիկը ոչ թէ մի անգամ, այլ և երկրորդ անգամ,

10 տարեկան հասակում: Երկրորդ անգամ պա-
 տուապետու պատճառն այն է, որ փորձերից երե-
 շաց, որ ամեն մի պատուաստումը երեխային պաշտ-
 պանում է իսկական ծաղկի հիւանդութիւնից մի-
 միայն 8 կամ 10 տարի: Այս կրկնապատուաստի
 քնդուեցու ժամանակից սկսած՝ իսկական ծաղիկը
 Դերմանիայում տարէ ցարի պակասելով՝ հիմի էլ
 բոլորովին անհետացել է. այնպէս որ այդ երկրում
 մարդիկ այժմ իսկական ծաղկի հիւանդութեան ինչ
 տեսակ լինելն էլ չեն իմանում:

Անգանում դժբախտաբար այդպէս չէ. մեր
 գիւղերում ու փոքր քաղաքներում քանի քանի գեր-
 դաստաններ թողնում են իրանց երեխայոց առանց
 պատուաստի. կան մեղանում դեռ շատ պառւաներ
 և տատեր, որ ծաղկի դէմ միջոցներ գործածելը և
 ծաղիկ կտրելը մեղք են համարում: Մարդ հարցնէ
 դրանց թէ ախա՛ր ինչ մեղք բան է, եթէ մարդս
 իր զաւակները մտօին հոգ տանի առաջուց, որ
 նրանք շիւրանան կամ չայլանդակուեն: Ապա տե-
 սէք թէ մի գիւղում, ուր ժողովուրդը պատուա-
 տից փախչում է, իսկական ծաղիկը ինչ ուարճափ
 է ձգում չորս կողմը. սրի տանտէրը կուրացաւ,
 սրնոց ստրնտու մայրը ծաղկից էն աշխարհը գնաց,
 այս տանը բոլոր երեխայը կոտորուեցին, այն
 տանը մարդու տալու ազգիայ երեսը այլանդակուեց...
 մը մէկը պատմեմ, լացն ու կոծը մինչև երկինք է
 հասնում: Ո՛վ է մեղաւորը. մարդիկ իրանք—որ
 իրանց չուզեան օգնել, Աստուած ինչ անէ...

Անս աչդ տեսակ անհոգի սնտտիապաշա մարդկանց երեսից մեզանում ծագիլը ամեն արտի ման է գալի զիւզից պիւզ, քաղաքից քաղաք և անհամար գոհեր է տանում և դեռ սրբան էլ կոյրեր է թողնում այս աշխարհում թափառելու իբր կենդանի օրինակներ ծնողական անհոգութեան: Պարող է պատահել, որ պատուաստածներն էլ ծագիլ տարածման ժամանակ հիւանդանոսն իսկական ծագիլով սակայն փորձը ցոյց է տալի, որ դրանց հիւանդութիւնը թեթեւ է լինում և արդարիքներին ծագիլից շատ հազիւ է պատահում մահ կամ կուրութիւն, այդ էլ նրանց կպատահի, որ մի անգամ միայն պատուաստուած են շատ փոքր հասակում: Իսկ կրկին անգամ պատուաստածները թէ բռնութեւ էլ ծագիլից, միայն թեթեւ շեշտութիւնով կազատուին նրա ճանկից:

Սյս ամէնը իմանալուց յետոյ ծնողները անշուշտ պարտական են պատուաստել իրանց մանուկին, հէնց որ սա շոքս կամ հինգ ամսական ռատնայ: Ութը կամ տասը տարեկան հասակում նոյն երեխային պէտք է անպատճառ նորից ծաղկեր կարել: Իսկ երբ քաղաքի մի թաղում կամ մի գիւղում ծագիլը սաստիկ տարածուի, այդ դէպքում պէտք է պատուաստուին թէ մեծ և թէ փոքր, թէ երիտասարդ և թէ մանուկ, այդպէս որ անէր, շատ շուտով պատահար ձեր գիւղից կվերանայ և կկորչի: Ոչինչ վնաս պատուաստումից չի պատահի, եթէ դրա համար գիմէք բժշկին կամ ֆելդշերին, որոնց

բժշկական վարչութիւնը տալիս է հորթի կամ կովի ծագիլի հիւթ և գրկում է գիւղերը պատուաստի համար: Գէ՛հ, էլ նր էք թարցնում ձեր երեխայոց գրանցից, էլ ի՛նչ էք փախչում պատուաստից: Ուղո՞ւմ էք ձեր ապագայ սերնդի անէծքին արժանանալ ձեր անհոգութեան կամ սնտտիապաշտութեան համար...

Հիմի լսեցէք թէ ո՛ր ժամանակներում պէտք է երեխի ծաղիկը կարել և ի՛նչ խնամատարութիւն է հարկաւոր այդ դէպքում:

Վերը ասացինք, թէ պէտք է պատուաստել ծծկեր երեխային, երբ սա շոքս կամ հինգ ամսական դառնայ: Ի հարկ է, երբ որ մանուկը թոյլ է կամ հիւանդ է, կարելի է յետաձգել պատուաստը մինչև նրա առողջանալը: Սակայն երբ գիւղում յանկարծ սկսում է տարածուել ծագիլը, այդ դէպքում էլ հարկ չըկայ ստանալու 4—5 ամիսը լրանալուն, այլ անմիջապէս հարկաւոր է պատուաստել թէկուզ 3—4 շաբաթուայ ծծկերներին:

Արտեղ բժիշկ կայ, պէտք է հիւանդ երեխային նրան ցոյց տալ. բժիշկը կարող է սրտել նր հիւանդին կարելի է պատուաստել ծագիլը, որին շեղորովհետև ամեն ակարութիւն պատուաստումից հօջի վատանում: Առնուաբ յ սովորման ցնորափայ յ յ Սովորաբար ծագիլը կարում են դարձանը կամ աշնանը, բայց երբ գիւղում երեսայ ծագիլի համաճարակը, պէտք է պատուաստել առողջ մանուկներին տարուայ նր կղանակին էլ պատահի: Չատ մայրեր վախենում են ձմեռ ժամանակ պատուաստել

իրենց երեսային: Քա՛սեւորդ վախ է: Անշուշտ
 պէտք է պաշտանալ երեսային մրտեցնելուց՝ և դրա
 համար բաւական է, որ թժկերին պատուատուովից
 յետոյ երկու շաբաթ դուրս չըբերէք սաստիկ ցըր-
 տերին. քակ տար ժամանակ հարկաւոր է դուրս բե-
 րել ամեն օր: Պատուատուովից առաջ պէտք է ե-
 րեսային լողացնել և մարութ չապիկ հագցնել, լայն
 թևերով: Պատուատուովի չորսորդ օրից, երբ կե-
 րան ծաղկի բշտիկները, մինչև տասն և չորս օր,
 երբ նրանք կշորանան, այլ ևս չպէտք է լողացնել
 երեսային: Այդ միջոցում հարկաւոր է երեսայի
 միայն երեսը և կեղտոտ տեղերը շոտնալ, շուտ—
 շուտ փոխել վրայի շապիկը և առհասարակ փոխնորդը:
 Պատուատուովի Սուլթերորդ կամ տասներորդ
 օրը, մանուկը փոքր ինչ սկսում է ջերմել, լաւ չի
 քնում. անհանգիստ է: Փորձառու մայրերը գիտե-
 նալով, որ դա պատուատուի ստորական ընթացքն
 է, իրանք էլ ի գուր չեն շփոթուում: Երբ ծաղկի
 բշտիկները սկսում են լցուել, նրանց չօրջը բա-
 ւական կարմրում է: Պայ զի յից յառ բոց մտոյմ
 թիւնը տարածուում է բոլոր օւսի վրայ և մանուկը
 շափազանց անհանգիստ է դառնում, անդադար լաց
 է լինում, որովհետև կարմրած թևիկը այրում է և
 բոլր է գալի: Պէտք է այդպիսի դեպքում դիմել
 բժշկի, եթէ կայ. եթէ ոչ՝ պէտք է զոնեա կար-
 մըրած տեղին մարութ կարագ քսելով՝ փոքր ինչ
 հանդարտեցնել այդ այրոցը և քորը:

Երբեմնապէս ծաղկի բշտիկները իւր ժամա-
 նակին չեն չորանում, այլ ջրջրտում են, երբ երե-
 խային մարութ չպահեն, կեղտոտ շորերը չփոխեն:
 Հատ անգամ էլ երեսան առանց հսկողութեան մնա-
 լով, անհանգստանալուց իւր մատիկներով պոճկում
 է թևի բշտիկները և նրանց տեղը լսոց դարձնում,
 որ դարձեալ բժշկի հոգացողութեան է կարօտ:

Այս էլ կպատահի, երբ պատուատում են երե-
 խային կովի ծաղիկը, լաւ բռնում է պատուատը
 թևին. մէկ էլ տեսար կրեսայի փորի և ոտիկների
 վրայ էլ երևեցան մի քանի բշտիկներ: Մայրերը
 շատ անգամ այդ բանից մեծ վախ են զգում թէ՛
 մի գուցէ իսկական վտանգաւոր ծաղիկ պատուա-
 տեցին խեղճ երեսային: Սակայն հարկ չկայ վա-
 խենալու, որովհետև կովի ծաղկի պատուատից
 մարդկային իսկական ծաղիկ չի դուրս տայ մարմնի
 միւս մասերում, այլ նոյն կովի ծաղիկը կլինի, որ
 յամենայն դեպս անվնաս է:

Մայրը շուտով ինքն էլ համոզում է, որ մար-
 մնի վրայ գուրս տուածից ոչինչ վտանգ չաւելա-
 յաւ երեսային, փորի վրայի բշտիկները շատ շու-
 տով չորանում են և աւելի շուտ անհետանում, քան
 թևի սկզբնական բշտիկը:

Ուրեմն առ հասարակ՝ կովի ծաղկի կանոնա-
 ւոր պատուատումից վնաս չկայ: *)

*) Ով կամենալ աւելի մանրամասն ծանօթանալ
 ծաղկահատութեան և Ձէննրրի գիւտի պատմութեան
 թող կարդա հարեմ. 1. Դօկա Փէլտիմաշճեանի օգտա-
 ւետ երկը՝ «Պատուատան Պատմութիւն» հրատ. Պոլիս.
 1884 թ. 2. Տիկ. Տիրուհի Բաբայեան-Աստանանցի
 (տիկ. Մարգարիտ) «Ձէններ» վերնագրով ժողովրդական
 հետաքրքիր գրկուղը. Մոսկուա 1890 թ. Ծանօթ. Թարգ.

գիշեր երեխէն որժկում է, կերածը յետ է ածում, շատ անգամ էլ կերածի տեղ մաղձն է յետ գալիս: Հիւանդութեան սկզբից 24 ժամ անցած-շանցած երեխի մարմինը դուրս է տալի, սկսում է կարմրել, անդ-անդ կարմիր դուրս առնու է դառնում:

Ահա, էս առաջի նշաններով՝ հէնց միւս օրւանից քուժէշը կարելի է զանազանել կարմրուկից, որ իրան ցոյց է տալիս կամաց-կամաց, մեծ մասով կարմրուկում երեխէն դեռ հարբուխ է ընկնում, սկսում է շատ հազալ, յետոյ տարութիւնը բարձրանում է, աչքերը կարմրում են. 3—4 օր էսպէս անցնում է, հիմա նոր սկսում է երեսը դուրս տալ, յետոյ կարմրութիւնը անցնում է մարմնին:

Այն ինչ՝ քութէշումը երեխի քիթը, պոօշները, ծնօտը շատ անգամ բոլոր երեսը ազատ են մնում կարմրութիւնից, սա սկզբից երևում է մարմնի վրայ մեծ-մեծ գումաշի բծերով: Երեխէն էգ ժամանակ ոչ թէ հաղում և փռնդտում, այլ գլխաւորապէս գանգատում է բկից, կուլ տալիս՝ անտանելի ցաւ է զգում. երեխի բերանը որ բաց անել տաս և ներսը մտիկ տաս՝ քուլը ներսիցը խիստ կարմրած կրտեսնես և ուռած. շատ անգամ սպիտակ փռուեր են երևում բկի նշախերի վրայ: Գրոխի շլինքի դեղձերը (խուլերը) նոյնպէս մի բիշ ուռչում են և ցաւում:

Մարմնի էրոցը կամ տարութիւնը և կարմրութիւնը սովորաբար տևում են 3—4 օր, երբեմն փոքր ինչ տեղի. հիւանդի լեզուն էգ միջոցին խոլ

կարմիր մորի (մալինի) կերպ է դառնում: Գրանից յետոյ, եթէ հիւանդութիւնը դէպի լան է զնալու, ջերմը բիշ-բիշ պակասում է. 7—9 օրում բոլորովին իջնում է. կարմրութիւնը գունաթափւում է և կորչում: Այժմ մարմինը սկսում է թեփոտիլ, մանաւանդ բռններից (ափերից) և մատներից թեփոտ սկսում է թափել մեծ մեծ կտորներով: Երբեմն հին մաշկը (մորթը) մատների վրայից իբր ձեռնոց դուրս է գալի, ու հիւանդը սկսում է առողջանալ: Ահա էստեղ էլ զանազանութիւն կայ կարմրուկից՝ սա էլ թեփոտիլ ունի, միայն սրա թեփոլ բարակ աւազի նման է, երբեմն հաղու նկատելի: Ասացինք, որ քութէշի թեփոլ որ սկսում է երեխալ, հիւանդութեան երկրորդ շաբաթի կիսից երեխէն սկսում է լաւանալ. ճայց միշտ այդպէս բարեյաջող չի գնում բանը: Աէկ էլ տեսար՝ հիւանդութեան հէնց երկրորդ կամ երրորդ օրը, սաստիկ ջերմի և բկուռուցքի ժամանակ երեխէն վախճանւեց... Երբեմն էլ քութէշը անցնում է, էլ ոչ կարմրութիւն և ոչ բզացաւ... ճայց երրորդ շաբաթն է, որ երեխէն մնում է անկոզնում կամ ման է գալի՝ թոյլ, մաշւած, գունաթափ, կամաց-կամաց նրա փորը ջրգոյում է, երեսը և բոլոր մարմինը ուռչում, կրնչանակէ հիւանդի ներսում (երկամունքումը) ցաւի հետևանքը (հարբաթը) մնաց, էլ դժւար թէ երեխէն ցաւիցը պրծնի: Պատահում է որ էգ դէպքերում հիւանդի վզի ուռած խուլերը ըսկսում են թարախտանլ, ականջների փոսից ե-

քիւսմի և ժամարք երեխի յօղեածները (խաղերը) սկսում են սուշել և սառնիկ ցաւել։ Էդ թարախ ներքից և յօղեածացաւերից էլ կըսլատահի, որ երեք խէն յանկարծ վրիպխճանի։

Յիւսի լսեցէք թէ ինչ պէտք է անել, երբ մի տան մէջ քուծէջ երևաց։

Ամենից լաւը կըլինի իսկոյն տանել հիւանդ մանուկին հիւանդանոց։ Էնտեղ հիւանդին համ կարգին կըպահեն, համ էլ տանը մնացածները և հարևանները գոցէ ազատեն վարակումից։ Եթէ հիւանդանոց չըկայ էնտեղում, պէտք է գոնեա դիմել տեղական բժշկին, որ սա ցոյց տայ ինչպէս պահպանել և խնամել հիւանդին և ինչպէս առողջներին ազատել վտանգից։ Բայց բան է ու գիւղ տեղ է բժիշկ էլ չըկայ կամ նա շատ հեռու է, չուտով չի հասնիր։ Պէտք է ուրեմն՝ ամեն մարդ իմանայ՝ ինչպէս հոգ տանել քուծէջաւոր երեխի մասին։

Տետեալ խրատներից ինչ որ սովորէք քուծէջի համար, պէտք է գիտենաք, որ նոյնը կըհարկաւորւի և վարժուկում և միւս վարակիչ ցաւերում։


1. Առաջի գործն է հիւանդին պառկեցնել յարմարաւոր անկողնում։ Հարկաւոր չէ հիւանդի տակը դնել հազուստեղէն կամ մուշտակ և ուրիշ փափուկ շորեր։ Եւելի լաւն է՝ հիւանդի տակը փռէք մի մեծ տոպրակով (մէշորով) խոտ կամ յարդ (դարման), որ յետոյ կարելի լինի կրակ տալ (այրել), այն ինչ՝ հողուտեղէնը կամ մուշտակը դժւար է

խտակել քուծէջի վարակից, իսկ այրելը չըպիտի դըմրչիք (ուզենաք)։

2. Պէտք է քուծէջաւոր երեխին պառկեցնել գոմանոցից հեռու մի առանձին օթախում կամ տան անկիւնում, ուր մարուր օդ լինի որ հիւանդը կարողանայ ազատ շունչ քաշել։ Երբ համար հարկաւոր է ամառ ժամանակ պատուհանները և դռները բանալ, իսկ ձմեռը բուխարի երթիկի ծակը բաց թողնել (եթէ քամի չըկայ), որ վատ ու նեխուած օդը էդ ծակովը դուրս գայ։ Հիւանդի վրայ ամառը ծածկել շարսաւ։ իսկ ձմեռը մի հաստ փաշաս, որ յետոյ հեշտ լինի տաք ջրում լալը։ Առհասարակ՝ էն տան, էն խրճիթի մէջ կամ էն օթախում, ուր քուծէջաւոր հիւանդն է, պէտք է խիստ մաքրութիւն պահել։ Կերակրի մնացորդները, լացքի ջրերը, հիւանդից դուրս եկածը (արտաթորութիւնները) չըպէտք է թողնէք խրճիթի մէջ մնան։ Խսկոյն պէտք է բոլորը դուրս թափէք մի առանձին փոսում, որ դուրսը կըփորէք և ամեն անգամ չոր հող կ'ածէք ձեր դուրս թափածի վրայ։ Հիւանդին երբէք թոնիրի մօտ չըպէտք է տեղաւորել։

3. Մեր հասարակ ժողովրդի և գիւղացիների մէջ մի սխալ կարծիք կայ թէ քուծէջաւոր երեխին չըպէտք է լալ, մաքրել, որ իբր թէ՛ պահպան հրեշտակը չըխոսովի, մանաւանդ որ մարուր փոխնորդ հարկենա, իբր հոգեաւը կուրախանայ սրանք դիւ անտի՝ անպէտք խօսքեր են... Ընդհակառակը սրբան երեխի մարմինը զով ջրով մա-

1009
39425



բըրւած լինի մաքուր անկողնում, մաքուր փոխնորդում լինի, էնքան աւելի Աստուած էլ նրան կը հովանաւորի: Մէկ նախապաշարմունք էլ կայ Քիփլիսի գիւղերում. հիւանդ երեխի շապկից և միւս շորերից կտորներ կարում են և հագցնում են *խամաճուկին* (տիկինին կամ *կուկլային*) և տանում դնում են ուրիշի տան դռանը որ, իբր ցաւը հիւանդի վրայից անցնի, կորչի ուրիշի դռները... էս բանը ոչ միայն մեծ յիմարութիւն է, այլ և սոսկալի անիրաւութիւն:

4. Տարութեան ժամանակ հիւանդ երեխի զբոսն ու ճակատին պէտք է դնել սառը ջրում թաց արած և քամած շոր. էդ շորը պէտք է շուտ-շուտ նորից թաց անել սառը ջրումը և փոխել, որ հիւանդի զրուխը զով մնայ. նոյնպէս կարելի է գովացնել խիստ տաքացած և կարմրած *մարմինը* թաց արած բամբակով, որը հեշտ է ամեն անգամ այրել կամ թոնիրը ձգել:

5. Փոքր հիւանդի բերանը օրը երեք անգամ պէտք է որբել մաքուր շորի կտորով, որ թաց է արած եփ տւած ջրում մի քիչ խոնկ խտոնած մէջը. խոկ աւելի մեծ մանուկներին ստիպել որ եղպէս ջրով բերանը և բուկը շուտ-շուտ ողողեն:

6. Հիւանդ երեխէն խիստ տաքութեան մէջ կերակուր չի վերցնում: 2րպէտք է դօռ անել, որ անպատճառ ուտէ, քիչ համբերել է պէտք, որ ախորժակը բացւի և տալ նրան՝ եփած կաթ, կաթնապուր, կաթնով շիլա (կորկստից), թերխորով ձու,

աւելի սպիտակ հաց: Ծանր կերակուրներ չըպէտք է տալ: Հիւանդի ծարաւը կարելի է կտորել սառեցրած՝ բաց թէյով (չայով) կամ եփ տւած ջրով, որ սառեցրած է: Էդ ջրի մէջ, ով ունի, կարող է ձգել փոքր կտոր լիմոնի կամ բալի (ֆիշնա) և հոնի մուրաբա (քաղցրաւենի):

Այսքանով վերջացնում ենք քութէշաւոր հիւանդի վրայ անելու սկզբնական կամ զլխաւոր հոգատարութիւնը: Բայց ձեր ամենամեծ հոգսը պէտք է լինի որ շրթողնէք ցաւը տարածւի ամբողջ քաղաքում կամ գիւղում, պէտք է ուրեմն մտաբերենք, ինչ որ վերջ ասացինք:

7. Պէտք է առողջ երեխաներին հեռացնէք հիւանդից, կամ հիւանդին օր առաջ հեռացնէք հիւանդանոց կամ մի առանձին օթխի: Որ տեսմը բութէ է ընկել, էդ տեղից առողջ մանուկներին չըպէտք է թողնել ուսումնարան, թէ չէ ցաւը որ ուսումնարան ընկաւ, բոլոր թաղը կամ գիւղը կը վարակի... Հասակաւորներն էլ չըպէտք է էդ տեղից գնան ուրիշ տներ և օրանցից էլ հիւրեր ընդունեն: Հարկանները էդ հիւանդոտ տեղից թող փոխ շառնեն հագուստ, հաց, կաթ, սամի, լուծ և այլն:

8. Երբ հիւանդ երեխէն, Աստծու տւածով, առողջանայ, հարկաւոր է նրան լողացնել, որ թեփը շքմնայ մարմնի վրայ (երկրորդ շաքաթից), բալ պէտք է սապոնով, յետոյ պէտք է հաղցիէք երեխին բոլորովին մաքուր կամ նոր շորեր, նրա անկողնի խոտը կամ յարդը այրել կամ թոնիրն ածել:

9. Հիւանդի վրայի սպիտակեղէնը, երեսըրբիչը, աղլուխները, վերմակը պէտք է հաւաքել ի միասին, եռացած ջրի գոլորչից անցկացնել և յետոյ լալ սապնաջրով, մուշտակը պէտք է օդի տակ երկար ժամանակ առանձին տեղում: Հիւանդի մահճակալը կամ պառկած տեղը, բոլոր խրճիթը կամ սենեակի պատերը ներսից պէտք է սրբել տաք սապնաջրով, ուր որ կայ բժիշկ կամ ֆելդշեր, նրանք կըկարգադրեն ինչով լալ օթախի պատերը, յատակը և առաստաղը:

10. Տէրը մի արասցէ, եթէ հիւանդը վախճանելի քութէչից, չըպէտք է մօտ թողնել ընկերներին հանգուցեալին տեսնելու: Մեր ժողովրդում և մեր գիւղերում մի սովորութիւն կայ, որ հանգուցեալի հագուստը և նրանից մնացած ձեռքի բաները՝ սրան նրան ընծայում են իբր յիշատակ կամ իբր ողորմութիւն: Քութէշաւոր և ուրիշ վարակիչ ցաւերից մեռածների մնացորդը ուրիշներին բաշխելը ոչ թէ բարեգործութիւն է, այլ կարելի է ասել, չարագործութիւն կամ մեծ վնաս... Ձգուչացէք ուրեմն էդպէս հիւանդների շորերը ընծայ վերցնել, էդ բաները նոյն իսկ յետին աղքատին ընծայելը—մեծ մեղք է:

Այս էլ չըմոռանանք վերջումը ասել. երբ քաղաքի մի թաղում կամ գիւղում քութէչ երևայ, հիւանդի տէրերը պարտական են Աստուծո և մարդկանց առաջ՝ իսկոյն իմաց տալու թաղական բժշկին կամ մօտաւոր իշխանութեանը:

3. ՍԻՖԻԼԻՍ ԿԱՄ ՎԱՏ ՅԱԻ

Թարգմ. բժ. Վ. Արծրունու

Ո՛չ միայն քաղաքներում, այլ և գիւղերում շատ կան սիֆիլիսով կամ վատ ցաւով հիւանդացած մարդիկ: Հիւանդանում են մեծ ու փոքր տղամարդիկ ու կանայք, նոյն իսկ մանր երեխաներ:

Այս մի շատ վտանգաւոր ու ծանր հիւանդութիւն է, որովհետեւ այնպէս է բանդում առողջութիւնը, որ մարդս էլ չի կարող առաջւայ պէս աշխատել, իր արհեստը բանեցնել:

Յղի (երկուեռգիս) կնանիք, եթէ այդ հիւանդութեան տէրն են, վիժում են, փշացնում իրանց փորի երեխան: Եթէ պատահում էլ է որ երեխան ժամանակին ծնում է, արդէն ծնում է այդ ցաւով վարտիւած: Աշխարհ են գալի էլի շտտով մեռնելու համար, կամ հիւանդ, ողորմելի կեանք վարելու համար: Ուրեմն ծնողներից հիւանդութիւնը անցել է նրեխային: Պատահում է, որ նորածնի վրայ սիֆիլիսի ոչ մի նշան չըկայ, երեխան բոլորովին առողջ է, ժամանակին է ծնուել և ծնողների ուրախութեանը չափ չըկայ: Քայց երեխան մեծանում է, 10 - 12 տարեկան է դառնում և յանկարծ սկսում է հիւանդանալ, իր ծնողների ցաւով: Մարմնի գանգան տեղերում խոցեր են դուրս գալիս, ոսկոր-

ները սկսում են փթել, քիթը թափուում է ու 17—
18 տ. ջահել տղան կամ աղջիկը այնպէս է այլակեր-
պուում, որ նրան մտիկ տալն էլ զգուելի է լինում:

Այս հիւանդութիւնը մենակ հօ ծնողներից ե-
րեխաներին չի անցնում: Հասակաւոր մարդիկն էլ,
երիտասարդներն էլ, հասած աղջիկներն էլ, պա-
ռաւներն էլ կարող են վարակուել մի հիւանդ մար-
դուց կամ մի հիւանդ կնկանից: Այդ պատճառով էլ
ասում են, որ սիֆիլիսը վարակեչ, կաւտոական
հիւանդութիւն է: Եթէ տան մէջ մէկը հիւանդա-
նում է, նա կարող է տան բոլոր անդամներին էլ
վարակել, այսինքն հիւանդացնել: Մեծերից ցաւը
կրկաչի երեխաներին էլ: Գարող է պատահել, որ
երեխային մի հիւանդ կին (օր. ծծմայրը կամ հա-
րեանի կինը) հիւանդացրել է: Այդ երեխան կը վա-
րակի մեծերին էլ: Խօսքերիցս գուրս է գալիս, որ
այս հիւանդութիւնը մեծ ու փոքր շի հարցնում,
երեխայից անցնում է մեծին, մեծից երեխային:

Առհասարակ ժողովուրդը կարծում է, թէ այդ
ցաւով միայն վատ վարք ու բարքի տէր մարդիկն
ու կնանիքն են հիւանդանում յարաբերութիւնների
միջոցով, բայց այդ կարծիքը բոլորովին սխալ է,
որովհետեւ վատ ցաւը առանց սեռական յարաբե-
րութիւնների էլ կարող է մէկից միւսին անցնել:
Օրինակ եթէ մէկի բերանի մէջ, պուռչների վրայ
սիֆիլիսի պուռչներ, խոցեր կան ու նա մէկ առող-
ջի հետ համբուրուի, այս խոցի, պուռչի թոյնը կը-
զիպչի սրա պուռչներին ու կը հիւանդացնի սրան էլ:

Հիմի տեսնենք թէ առհասարակ ինչպէս է այս
հիւանդութիւնը հիւանդից առողջին փոխուում:

Քիւղերում վատ ցաւը այնպէս է տարածուում:
Քիւղացիներից մէկը գնում է քաղաք բանւորու-
թեան կամ առևտրի, այնտեղ յարաբերութիւն է
ունենում մի անառակ կնկայ հետ, ստանում է նրա-
նից սիֆիլիս, յետոյ վերադառնում է տուն ու իր
կնոջը հիւանդացնում. յետոյ երկուսով էլ վարակում
են իրանց երեխաներին ու տան միւս կենողներին:
Երեխաները խաղում են հարեանների փոքրերի հետ,
համբուրում են նրանց, կամ միևնոյն խաղալիկնե-
րով խաղում, նրանց էլ հիւանդացնում: Այս փոք-
րերը այնուհետև կարող են իրանց ծնողներին վա-
րակել և այլն:

Բանւորները, կամ արհեստաւորները միասին
ապրելով կարող են իրար տալ իրանց հիւանդու-
թիւնը, եթէ օրինակ մէկը հիւանդի գդալը բերանն
առնի, նրա թասով, կամ բաժակով խմի, նրա ե-
րեսսրբիչով և գոգնոցով սրբուի, նրա ծխած ծխա-
խառը, շիպուխը կամ դայանը ծխի, կը վարակուի:
Ինչի, որովհետև երբ որ հիւանդը այդ բաները
զործ է ածում, նրա վէրքերի թոյնը քսուում է այդ
բաներին: Չատ հիւանդանում են մարդիկ զինե-
տներում, միևնոյն բաժակով զինի, արաղ խմելիս:
Կօշկակարները երբեմն հիւանդանում են այն պատ-
ճառով, որ վերցնում են և բերաններին դնում մի
արկղիկի միջից մեխերը, էլ շեն մտածում, թէ կա-
րելի է այդ մեխը մի սիֆիլիստուի բերանումն է

եղել: Գերձակները, սպիտակեղէն կարողները կօշ-
կակարներն նման վատ սովորութիւն ունեն. կո-
ճակներն ու շանդակները բերաններն են առնում ու
աւելորդները նորից վայր գցում արկղիկի մէջ: Կա-
րելի է վարակուել նոյնպէս և բազմիսներում և ար-
տաքնոցներում, եթէ նստենք մի տախտակի վրայ,
որի վրայ մեզնից առաջ նստած է եղել մի հիւանդ
ու իր խոցերի թարախը քսել այդ տախտակին:
Չատ կանայք հիւանդանում են նրանից, որ ծիծ են
տալին սիֆիլիսոտ երեխայի:

Պատահում է, որ բոշաները, հովիւները տա-
նից տուն մանգալով տարածում են սիֆիլիսը:

Բայց ամենից շատ վարակում են մարդիկ, երբ որ
յարաբերութիւն են ունենում անառակ կանանց հետ:
Ինչպէս է թոյնը մտնում մեր արեան մէջ:

Չան հեշտ կերպով, անդամի, սրօշների վրայ
միշտ մի աննշան քերծուածք կամ ճեղքուածք կայ,
որ մենք իսկի չենք էլ կարող տեսնել, եթէ սիֆի-
լիսի թոյնը դիպչի այդ տեղերը, իսկոյն կրծծուի
արեան մէջ ու կրհիւանդացնի: Այս բոպէից սկսում
է այդ խեղճի վարակումն:

Վարակումից մի քանի ժամանակ անց (մի շա-
բաթ, մի ամիս, 6 շաբաթ), այն տեղում, որտեղ
դիպել է սիֆիլիսի թոյնը, երևում է մի փոքրիկ
խոցիկ (որը կոչւում է շան/ը): Եթէ վարակուիլը
գրաւի կամ թասի միջոցով է եղել, այն ժամանակ
առաջի խոցիկը դուրս է գալիս պոռոշների կամ լի-
զուի վրայ կամ բկի մէջ. եթէ մի կին երեխայի

ծիծ տալիս է վարակուում, շանկը դուրս է գալիս
նրա ծծի պտուկի վրայ:

Չանկը առհասարակ շատ շուտով (մի երկու
շաբթում) հէնց առանց բժշկութեան էլ է անցկե-
նում: Բայց անցնում է 5—6 շաբաթ և արդէն ե-
րևում են ուրիշ բաներ (արտայայտութիւններ),
օրինակ՝ մարմնի վրայ զանազան բծեր, պղուկներ,
դուրս տուածներ, բերնի մէջ վէրքեր ու խոցեր
այս ցաւերից (դուրս տուածներից) երևում են նոյն-
պէս առնանդամի վրայ, նստելատեղում, ստերի մա-
տերի արանքը, նրանք շուտով ջրջրոտում են և թա-
րախանման հեղուկ (ջուր) տալիս: Հէնց այս ջրջը-
րուկների արտադրած հեղուկն է, որ պահում է իր
մէջ սիֆիլիսի թոյնը և այդ պատճառով էլ նա վա-
րակիչ (թունաւորող) զօրութիւն ունի ու նրա մի-
ջոցով է որ հիւանդութիւնը տարածւում է: Բացի
այդ, բուկը, կոկորդը նոյնպէս հիւանդանում են,
որից ձայնը խաւոտ է դաւնում. յետոյ գլխի մա-
ղերը թափուում են, եղունկները փշանում են, աչ-
քերը ցաւկոտում:

Այս երեւոյթները (հիւանդութեան նշաններ)
անցնում են, յետոյ նորոգուում ու այսպէս կարող
են կրկնուել մի քանի անգամ:

Անցնում է մի քանի ժամանակ, մի տարի, եր-
կու տարի և աւելի, սիֆիլիսոտը իրան առողջա-
ցած է համարւում, երբ յանկարծ մարմնի վրայ կա-
շու տակ դուրս են գալիս մեծ-մեծ խոցեր, որոնք
թարախաւալում են, բացւում են ու դառնում են

խոցեր: Այսպէս խոցեր մենակ կաշու տակը չեն լինում, այլ դուրս են գալիս մարդու ներսն էլ, օրինակ լեղզի, փայծախի, պլոնճիկներին, թորերին վրայ, որից հիւանդը և կարող է մեռնել: Ամենից շուտ վնասուում են ոսկորները: Ոսկորները (օր. սախ, թեկերի ոսկորները) տեղ-տեղ հաստանում, ուռչում, ցաւում են: Հիւանդները սաստիկ ցաւեր են զգում ոսկորների մէջ: Այնպէս որ չեն կարող քնել: Մի քիչ յետոյ ուռուցքը խոցանում է, ծակուում ու այդ ծակից փթած ոսկորի կտորները դուրս են գալիս: Այս բանը շատ յաճախ, պատահում է քթի մէջ: Քիթը, ինչպէս գիտէք, երկու անցը (ծակ) ունի, մէջտեղը պատ է դրած: Այդ պատի ետեի (խոր) մասը ոսկորից է: Տէնց այդ ոսկորն է, որ ամենից շուտ փթում է: Երբ որ քթի միջնապատի այդ ոսկորը սկսում է փթել, քիթը սկսում է ցաւել, հարբուխ է դառնում ու քթից մի տեսակ հոտած արնախառն ժահր է ծորում: Մի քիչ յետոյ ոսկորի կտորները մէկ մէկ վայր են ընկնում ու քիթը ըլլում է: Գրուատ է սասած, թէ «քիթը թափուում է»:

Եթէ հիւանդը չի բժշկուել, նա կարող է հարիւր տեսակ ցաւեր ստանալ: Աչքերը կարող են քուռանալ, ոտքերից կամ ձեռքերից անդամալոյծ դառնալ կամ խեղքը կորցնել—գժուել:

Վատ ցաւը կարելի է բժշկել: Այս պէտք է լաւ հասկանան ամենքն էլ. ով որ ժամանակին դիմել է բժշկի և կատարել նրա խրատները, նա կազատուի իր ցաւից: Բայց այն հիւանդը, որ փոխա-

նակ բժշկի հրամանները կատարելու՝ ակամօջ կը դնի պառաւների խրատներին, նա իսկի թող յոյս չունենայ, թէ կըբժշկուի: Ինչի կըհարցնէք, որովհետեւ պառաւները, մոլլանները և այդպիսի տղէտ մարդիկ լաւ չեն հասկանում այդ հիւանդութիւնը և զործ են ածում չափազանց թուաւոր դեղեր և յօնքը շինելու տեղ, աչքն էլ հանում են:

Պատահում է, որ սիֆիլիսը ծածկուում է մի քանի ամիս կամ հէնց մի քանի տարի ու յանկարծ նորից երևում է: Չըպէտք է վախենաք, յուսահատուէք կամ կարծէք թէ՛ բժիշկը լաւ չի բժշկել: Իմացէք, որ այդ հիւանդութեան սովորութիւնն է: Ամեն երևալուն, էլի գնացէք բժշկի մօտ ու բժշկուեցէք:

Եթէ մէկը անբախտութիւն է ունեցել, հիւանդացել է, նրա սուրբ պարտքն է, որ զգոյշ լինի, ուրիշին էլ չըվարակի: Նա էլ չըպէտք է յարաբերութիւն ունենայ ոչ իր կնոջ, ոչ էլ ուրիշ կանանց հետ. նա իր ամանը, իր ըստակը, գալալը, շանդալ-դանակը առանձին անի եւ գործածելուց յետոյ, լաւ յուանայ ու սլահի, որ ուրիշները գործ չաճեն: Նա նոյնպէս պիտի առանձին սպիտակեղէն (փոխնորդ), ջոկ երեսսրբիչ, ջոկ սաւան ունենայ, իր վէրքերը պիտի մաքուր պահի, եւ վրայի ըամբակն ու կապերը դէս ու դէն չըզգի: Չըպէտք է ամեն տեղ թքի, իր ծխախոտը, իր շեռուխը ուրիշի բերանը դնի:

Իր սեպհական անձի մասին էլ պիտի մտածի

հիւանդը: նա պիտի կատարի բժշկի պատուէրները, թէ ուտելիքի և թէ խմելիքի մէջ: Ամենից առաջ նա պէտք է ձեռ վերցնի զինուց ու արողից, որովհետեւ արքեցողները չեն լաւանում, կամ շատ դժուար են լաւանում:

Սիփիլիստոը, կարող է ամուսնանալ թէ ոչ: Կարող է, միայն միշտ պէտք է այդ բժշկի խորհրդով անել: Իսկ բժիշկը խորհուրդ կըտայ եթէ կըտեսնի, որ հիւանդը բոլորովին առողջացած է: Եթէ հիւանդ-հիւանդ պսակուի, նա մէկ որ իր անմեղ կնոջն էլ կըվարակի, մէկ էլ որ կամ կինը չըբերը կը մնայ, կամ հիւանդոտ զաւակներ կունենայ: Առհասարակ պիտի հիւանդութեան անողջանալուց երեք տարի անցած լինի, որ կարելի լինի պսակուել:

4. **Ի Ն Չ Պ Ե Ս Պ Ե Տ Բ Է Կ Ե Ր Ա Կ Ր Ե Լ**

Ծ ծ Կ Ն Ր Մ Ա Ն Ո Ւ Կ Ն Ե Ր Ի Ն

Թ արգ. Տիկ. Ս. Բարսայեանի

Չատ յաճախ փորը երեխէքը հիւանդանում և մեռնո մ են փորլուծից մանաւանդ ամառ ժամանակ, դրա զլխաւոր պատճառն այն է, որ շատ մայրեր չեն իմանում իրանց մանուկներին կանոնաւոր կերպով ծիծ տալը:

Ամեն մի մայր, եթէ նա ատողջ է, պէտք է ինքը կերակրէ իր ստինքով (ծծով) իր մանուկին, որովհետեւ մօր կաթն երեխայի համար ամենարեւական և ամնդարար կերակուրն է: Բայց կրծքով կերակրելն ունի իր կարգ ու կանոնը նայած երեխայի հասակին:

Այս պատճառով խիստ պահանջոււմ է հետեւեալ կարգը պահպանել. մինչև վեց ամսական հասակը պէտք է ծիծ տալ երեխին ոչ աւելի, քան ամեն երկու ժամից յետոյ, ընդամենը վեց անգամ ցերեկը և երեք անգամ գիշերը: Իսկ վեց ամսից յետոյ՝ չորս անգամ ցերեկը և երկու անգամ գիշերը:

Մայրերը մի վատ սովորութիւն ունեն, այն է՝ մանկիկի բերանը ծիծ են դնում, հէնց որ սա ձայնը բարձրացնում է: Ըուտ-չուտ կերակրելը երեխին շատ վնաս է տալի. դրանից նրանք փոխում են, նրանց փորը փրւում է, սաստիկ ցաւում և յա-

ճախ լուծում: Եթէ երեխէն անհանդիստ է և բղա-
 ւում է, էգ չէ նշանակում, որ նա քաղցած է: Պէտք
 է նայել թէ արդեօք նրա տակը հօ թաց չէ, կամ
 կեղտոտած. մըսում է՝ երեխէն, թէ տաքից է նեղ-
 ւում, չէ սեղմում նրան բարուրը, կամ չէ կծում
 նրան՝ բաղլինջը կամ մի ուրիշ միջատ:

Ահա դեռ այս ամենը պէտք է կարգի դնել
 և շշտապել կերակրելու երեխին մինչև որոշած
 ժամը:

Պէտք է ծիծը հերթով տալ—մէկ անգամ աջը
 և միւս անգամ ձախը: Ամեն անգամ թողնելու է
 ծծել ստինքը, մինչև որ երեխէն ինքը դադարի-
 չիւանգ ծիծն իսկի չպէտքէ երեխին տալ: Ման-
 կան կերակրելիս մայրը պէտք է հանդիստ նստած
 լինի, երեխին վերցնի իր ծնկան վրայ և փոքր ինչ
 թերէի գէպի երեխի բերանը—այս դիրքով սրան
 յարմար կըլինի ծծելը:

Կշտացած երեխին հարկաւոր չէ սաստիկ օրօ-
 րել կամ վեր-վեր անել, քանի որ դրանից կերա-
 կուրը կարող է յետ գալ: Զի կարելի քնած երե-
 խին պահել ծծի վրայ, նոյնպէս մայրը չպէտք է
 քնի երեխին կերակրելիս:

Մայրն իր ստինքը (ծծերը) պէտք է շատ
 մաքուր պահէ. ամեն ծիծ տալուց առաջ իստակ
 տաք ջրով լանայ և կերակրելուց յետոյ մաքուր
 կտորով սրբէ պտուկները: Կեղտոտ ծծերից երեխէն
 կըմնասուի (բերանումը դուրս կըգան բշտիկներ,
 փոքր կըլուծէ) և մօր պտուկներն էլ կըճաքճաքեն,

որից կըհետեի սաստիկ պտկացաւ և յետոյ կարող
 է առաջ գալ ստինքների բորբոքումն:

Եթէ երեխէն լաւ չի ծծում, պէտք է իսկոյն
 նայել երեխի բերանը. եթէ որ բերանումը սպի-
 տակ բշտիկներ են բուսնած կամ մի ուրիշ հիւան-
 դու թիւն է երևում, դեռ պէտք է հոգ տանել բժըշ-
 կին ցոյց տալու, իսկ մինչև այդ կատարելը, պէտք
 է վերցնել փափուկ, բոլորովին մաքուր կտակի կտոր,
 փաթաթել մի մատին (ճկը թին), թաց անել մա-
 քուր ջրում կամ անշաքար շայում (թէյում) և էգ
 մատով սրբել երեխի լնտերքը, լեզուն և թշերի
 ներսի կողմերը:

Երբ մայրն իր կրծքով է կերակրում երեխին,
 պէտք է ինքն էլ լաւ սնունդ ունենայ. օգտակար է
 ուտել կաթ, ձու, միս, շիլախաւիծ: Մայրը պէտք
 է հեռու մնայ էնպիսի կերակուրներից, որոնք սո-
 վորաբար նրան վնասում են և ստամոքսը խանգարում:

Ծիծ տուող մայրը քոլոլրովին չպէտք է գործ
 ածէ ոգելից խմիչք (գինի, արաղ), որովհետև դը-
 րանք բոլորն էլ վնասում են երեխին:

Մինչի վեց ամսական հասակը երեխին ոչ մի
 ուրիշ բան չի կարելի տալ, բացի մօր կաթից,—
 մինչև այդ ժամանակ նորածինը դեռ թոյլ է և ա-
 մեն ուրիշ կերակուր, մանուսանդ պինդ կերակրողէն
 նրան անշուշտ կըվնասէ: Վեց ամսից յետոյ, եթէ
 երեխէն առողջ է, կարելի է քիչ-քիչ տալ նրան
 կովի եփած կաթ, թերխաշ ձու, բրնձէ կաթնա-
 պուր կամ շիլա:

Երեխի կերակուրը պէտք է անպատճառ տաք լինի. եւ ոչ սառը: Պինդ կերակրեղէն, օրինակ՝ սև կամ սպիտակ հաց, բարսմաթ, գետնախնձոր (կարտօֆիլ) կարելի է տալ, երբ երեխէն կունենայ գտնեա ութը ատամ, այսինքն՝ մէկ տարեկան հասակում: Գիշերները յիշածս կերակուրները տալը աւելորդ է:

Երեխին կարելի է ծծոց կտրել, երբ երեխի մէկ տարին լրանայ: Մի տարուց աւելի երեխին ծիծ տալու հարկ չկայ. էդ միջոցին մօր կաթն էլ առաջւայ պէս չի կշտացնում և օրէցօր պակասում է. մայրն էլ սթից ընկնում է և նւազում է (սըստանում է):

Ծծից պէտք է կտրել կամնաց-կամաց, այն է աւելի ուշ-ուշ ծիծ տալ և փոխարէնը ուրիշ կերակուրներ տալ: Եթէ երեխէն հիւանդ է, մանաւանդ եթէ փորալուծ ունի, էդ ժամանակ չի կարելի մօր կաթից զրկել, շատ շոք ժամանակ ծծից կտրելը նոյնպէս վտանգաւոր է, որովհետև երեխին փորալուծ կըպատահի: Երբ երեխին ծծից կտրեցիր, պէտք է նրան տալ նոյն կերակուրը, որ քիչ առաջ էլ տրւում էր. նախ ջրալի և ապա պինդ բաներ, ինչպէս՝ խաշած կարտօֆիլ, լաւ թխած տանու հաց, ձու: Քաղցրեղէնից ամենից լաւն է շաքարը, սրովհետև զանազան կանֆէտները, մանաւանդ ներկածները, շատ անգամ վտանգաւոր են: Երբօրդ տարուելը երեխին կարելի է շափաւոր կերպով տալ էն բոլոր կերակուրները, որ մեծերն են ուտում սովորաբար:

Եթէ կաթնատու մայրը հիւանդ է, պէտք է անշուշտ քժլի ղիմէ, որ կարող է բացատրել թէ էդ հիւանդութիւնով կաթ տալը երեխին և իրան վնասակար չէ արդեօք:

Լաւ, ի՞նչ անել այն դէպքում, երբ բժիշկը շիթոյլ տայ մօրը ծիծ տալ, երբ մօր կաթը ցամաքել է, կամ Տէրը մի արասցէ, մայրը վախճանւել է, թողնելով քաղցած ծծկերին:

Ամենից լաւ կըլինի դիմել մի առողջ կինարմատի՝ ծծերում կաթ ունեցողի, որ նա ծիծ տայ երեխին գոնե՛ս այնքան ժամանակ, որ սա ամրանայ. պէտք է էնպիսի ծծմօր դիմել, որի երեխէն էլ նոյն հասակի լինի: Էս բանը շատ կարևոր է մանաւանդ երեխի առաջի երեք ամիսներում: Եթէ էդ էլ չյոջողի, պէտք է ուրեմն երեխին կերակրել կովի կաթով:

Բայց էդ բանի համար հետեւեալ զգուշութիւններն են հարկաւոր.— մի բաժակ կովի կաթին պէտք է խառնել եփ տուած ջուր և մի շալի գդալ շաքարի մանրու՛նք: Զրի խառնուրդը պէտք է լինի այս հաշւով՝ մէկ շալթական երեխի համար մի թաս կովի հում կաթին պէտք է աւելացնէք երեք թաս ջուր և եփ տաք: Երկու և երեք շաքաթական երեխի համար պէտք է մի թաս (բաժակ) կաթին աւելացնել երկու թաս ջուր: Զօրս-հինգ-վեց շաքթական երեխին կարելի է տալ կովի կաթը կիսով չափ ջրախառն: Եթէներորդ շաքաթից մին-

չի Յ ամուսայ հասակը երկու թաս կովի կաթին պէտք է աւելացնել մի թաս ջուր: Իսկ չորս ամսական երեխին կարելի է արդէն մննդել անխառն հում կաթով տաքացրած և քիչ շաքարով քաղցրացրած:

Պէտք է կաթ տուող կովի վրայ առանձին հոգացողութիւն. նրան պէտք է մաքուր պահել, քաւական խոտ տալ՝ չոր թէ կանաչ, իստակ ջուր խմացնել խառնուած թեփով և ալլւրով, քիչ էլ ազ աւելացրած: Կովին չպէտք է տալ կեղտոտ ջուր, զանազան տանու մնացորդներով խառնուրդ բաներ:

Կովը կթելուց յետոյ (առաւօտ եւ երեկոյ) կաթը պէտք է լաւ եփել մինչեւ երեխին տալը պէտք է պահել (իստակ, մաքրուած եւ կրակի վրայ ընծած ամանով) սառը տեղում: Երեխին պէտք է տալ կաթը միշտ տաքացրած և էնքան անդամ, որքան վերը յիշուած է մօր կաթի համար: Էս կարգին պէտք է աւելի խիստ հետեւել, քանի որ չափից աւելի կովի կաթը աւելի ևս վնաս կըտայ, քան թէ մօր կաթը:

Պէտք է կաթը տալ երեխին էնքան, որ նա կուշտ լինի և զկուտալով յետ չբերէ աւելորդը: Կովի կաթն ու ջրալի կերակուրը երեխին պէտք է տալ ապակէ ծծակով, որովհետեւ պողի (կոտոշի) և երկաթի կամ անադեայ ծծակները շուտ են կեղտոտուում: Թէկուզ քիչ թթուած լինի կաթը, չպէտք

է տալ երեխին, որ դրանից կըսկսի փսխել և լուծմունք կըստանայ: Արհեստական ծծակները ռեփինից լինելու են: Թէ այդ ծծակները և թէ կաթը շուշէն (ապակէ ամանը) պէտք է մաքուր լանալ տաք ջրով ամեն կերակրելուց յետոյ:

Երբէք գործածելու չէ կեղծ ծծակ երեխի բերանը դնելու, որ պատրաստում են մայրերը ծամած հացից, տրորած զազարից կամ կաթնախաւիծից: Ոչ մի օգուտ նրանցից չկայ, բայց վնասը շատ մեծ է. նրանցից երեխի բերանը բռբռտում է, լուծ և փորացաւ է առաջ գալի: Երեխէքը լղարում են և թուլանում: Ոչ մի դեղ էդ դէպքում երեխին չի օգնի, մինչև մայրը ձեռք չվերցնէ երեխի բերանը դնելու անպէտք սուտ—ծծակները:

Ինչ որ էստեղ գրւած է, պէտք է կատարել միշտ, մանաւանդ մեր պատուէրներին պէտք է խիստ հետեւել շոքերի ժամանակ, ամառան եղանակին, երբ սովորաբար երեխէքն աւելի շատ են տկարանում և մեռնում լուծից: Առհասարակ փորալուծի դէպքում, փոխանակ աւելորդ դեղեր երեխին տալու, լաւ է տանել նրան հէնց սկզբից բժշկի մօտ, ուր որ կայ:

Քանի այդ շուտ կատարելի, էնքան աւելի լաւ կըլինի:

Այս թերթիկը կարդացողներից ով կամենայ աւելի մանրամասն ծանօթանալ ծծկեր երեխաների

խնամատարութեան դրժին, և ով ուսերէն գիտէ,
նա կարող է գիմել հեռեկալ գրքոյկներին. **Д-рЪ
Е. А. Покровскаго: „Объ уходѣ за малыми дѣтьми“**,
գինը 6 կոպ. և **Н. Ф. Михайловъ „Совѣты ма-
терьямъ“** գինը 1 1/2 կոպ. *):



յնպիսի քան ծրոյն չէ այնմանցոյց...
ցոյցոյցան մն խոստատարայ...
-անձայն նայ թղթատար ծագ...
ըրպէ լայն ընթացքով...
-ըզոց ցոյցով լայն ընթացքով...
ցոյցով լայն ընթացքով...
և ուրջայնք ընթացքով...
խնամատարութեան դրժին...
-խանձ — առաւ գալիսն աղբեր ցմաղկոյ փոխոյն
... ցոյցով

յնպատայ չ գտնիս չ ծանօթ յոման զո չնմ
չ գտնիս միջմեծիտանայ ցմն յոմանան արջն
-արժ-մատանա յոմանան միջմեծ յոմանան արջն
մն առչ փոխ միջմեծ զոգաղբիտո զո միջմեծ
-աղբի յաղտանա՞մ ընթացքով և ուրջայնք
միջմեծ զոմերք ըզոյնա յոմանոյն միջմեծ զոմերք
առն փխչեց ընթացքով ընթացքով յոման չ աղ ըոյատ

*) Իսկ ով ուսերէն չգիտէ, նա կարող է ձեռք
բերել զօկտ. վ. Արծրունու շատ օգտաւէտ գրքոյկը
«Խնամատարութիւն առողջ երեխաների ծննդեան ը-
պէից սկսած մինչև 3 տարեկ. հասակը», հրատ. Թ. Հ.
հրատար. Բնկ. 1899, գինը 25 կ. մատենադան փոխոյն

Հոսանք

12

« Ազգային գրադարան »



NL0267739

6913

616.9

h-61